

1 Tesaronaika

Pas mami Por ai Tesaronaika-hündambo sürü papımarandi

1 ¹Ro Por, Sairas, Timoti-aneŋi, Kraisindi nendi Tesaronaikahü amarei siheimbo pas nda sürü paparihundi. Se Ape God asu Adükari Sisas Krais-yafand-aneŋi. God ai siheimbo hipoambo-reandürühi, afurife hohoanimo mbisagadür-amboane.

²Muŋguambo si siheimbohündambo Godimbo didibafi-yahundürühi hihifi-rihurühanefi. ³Se anihondümbo-rihindühi aboedi ratüpuri ratüpuriyeihi, ŋgusüfo parihindühi tiŋirifoyeihi, asu Adükari Sisas Krais ai kosomboayu ranimbo himboyeihi ŋginindi nimboei arihündi. Ranimbo ro hohoanimoyefühi, nimbi-nimbisi siheimbohündambo sihefi Ape Godimbo hihifirihurühi didibafiyefi arihundi. ⁴⁻⁵Wandafi mami, yihoefi hoafi aboedi nda hoafi yaŋgiriyoŋoani siheimbo tükefeyo, ŋga ŋginindinambo tükümeŋefeyo-ane. Yifiafi Aboedi ai mafarihemuna aboedi hoafi ra hoafimayefi, asu ranimboane se ŋginindi anihondümbo-marihindi. God ai siheimbo ŋgusüfo pareandürühi, ahandihoari siheimbo kamafoareandüri, ra ro yarihu fifirihu mburihu hihifarihuri. Sihei mbüsumo nimboefombo siheimbo fehefendürimbohünda hohoanimomayefi, ra se fifirihindi. ⁶Se Godindi hoafi masahümündia hohoanimo aŋindi tükümeŋefyondürisi, ŋga Yifiafi Aboedi ai mafarihendüra hihifi-hihifimayei. Se yihoefi hohoanimo asu Adükariindi hohoanimo ra diboadorihi süngurihi marihündi. ⁷Raniyo asu se Masedonia hifihündi, Akaia hifihündi anihondümbo-rihindeimbi ranaheimbo aboedi hohoanimo nafuimehündüra asu ai rani-süŋgumarihindi. ⁸Sehündi Adükariindi hoafi ra fufuŋayomo rahurai maho. Masedonia Akaia hifi yaŋgiriyoŋoani, ŋga muŋgu hifi se Godimbo anihondümbo-marihori hoafi ra maho. Ranane asu ro asükaindefi ranimbo ŋgiri aheimbo hoafindefi. ⁹Iŋga aheihori ranahambo fifirihindühi hoafiyei arihündi nahurai: Ro siheimbo sowana

tüküme hunda Godindi hoafi sahümündi hehi, tikaí god hiniŋgirihi hehi, anihondü God ai yanggiri nüngumbi ranahambo süngumarihindi ranimbo wataporiyei arihündi. ¹⁰Asu God ranani ai ahandi nimori Sisas yifihündi botimariri sünambeahindi kosomboayu ranimbo se hifandarihori. Sisas ai Godindi hürütümbi yibobofe si ra tükündifemboe sihefimbo ranambeahindi aboedambo-reamuni arandi.

Por ai Tesaronaikahü ratüpurimayu ranahambo hoafimayu

2 ¹Wandafi mami, horombo ro siheimbo sowanambo masinefi rasimboani yihoefi ratüपुरi moai moani tüküfeyo, ŋga ra se fifirihindi. ²Horombo Firipai ŋgoafihü yihoefimbo moaruwaimborihimunühi asu yihoefimbo amoaniŋgümbi hoafi hoafimayei, ra se fifirihindi. Asu bidifiri ai yihoefimbo gümarihimunisi, ŋga ro Godimbo anihondümborihurühi, yihimbokoate aboedi hoafi siheimbo bokamarihehundüri. ³Siheimbo moai mamikarambo hoafi hoafiyahundüri, asu moai moaruwai hohoanimoyefühi wosihoafari hoafiyahundüri, ŋga wani. ⁴Ŋga God ai yihoefimbo yare hoeireamuna mayoa aboed-anemo yahuhaya, ranimbo yihoefimbo anihondümboreamunühi aboedi hoafi hoafimbo ratüपुरi ra masemuni. Asu nindou yihoefimbo siaombeyahümunambo sefi hohumbo-yefipoani aboedi hoafi hoafayefi, ŋga God ai siaombüfiyuwa sefi hohumboanefi hoafiyefi arihündi. Godani ahandihoari yihoefi ŋgusüfo yare hore arandi. ⁵Asu yihoefi hoafi ra ŋgorü-süngufe hoafiyo, ŋgorü-süngufe hoafiyo-ramboyefipoani, se ra fifirihindi. Asu ro yihoefi hohoani hohoanimo ra gabudihundühi moai hoafiyefi, ŋga God ai ranimbo fifireandi. ⁶Nindou bidifiri asu se, yihoefimbo aboedi mbumund-anemo mbiseiya sefi hohumbo-yefipoani, ŋga wani.

Ro Kraisindi hoafi sahumindefi hefi-rihundeimb-aneŋi, ŋga se yihoefimbo afarihehimuni ra aboed-anesi. ⁷Ŋga se-babidi mamarefi ra wari hoafendühi diboado-marihundüri, hondi ai nimorimbo diboado-arihindüri nou. ⁸Ro siheimbo afindimbo ŋgusüfo parihundürühi aboedi hoafi hoafiyondürimbo hihifi-hihifimayefi. Rani-yanggiriyoani, ŋga fehefe-ndürimbohündambo amboani hohoanimomayefi. Sapo se ŋgunindi hondü-mayeiambo. ⁹Wandafi mami, ro afindi tiŋjirifomayefi ra se fifirihindi. Siheimbo aboedi hoafi bokari-hehundürühi se yihoefimbo sesimbuimbi saimbo ra tiŋjirifo-ndahimboyei sefi hohu ranimboyefi asu nimbi-nimbisi afindi tiŋjirifomayefi yihoefihoari fehefemböhünda.

¹⁰Horombo anihondümborihindeimbi babidi nimboefambe, ro moai moaruwai hohoanimo süngurihündi, ŋga mbumundi hohoanimo süngurihu marihündi rananefi hütikoate-ayefi. Ranimbo se Godimbo fifirihori. ¹¹Afindi ai ahandi nimori didiboadoariri nou-ane, ro siheimbo mamami rarihundüri marihündi, ra se fifirihindi. ¹²Ro sihei

ngusüfoambe kikimifoari-hundürühi, ngusüfoambe botirihundürühi hüti-hoafimehundüri. Iḡga se Godindi hoafi süngundihindani, God ai siheimbo aboed-anei mbüsündüra sefi hohumboane fi hoafi ra hoafimehundüri. Iḡga God-ani siheimbo ahandi simbamindi hamindi nginindi hifandirandambe kefoefembohündambo kamafoareandüri.

Ai Godimbo anihondümbo-rihindühi taborihehi niboadei arihündi

¹³Ro horombo Godindi hoafi hoafimayefa se nindou-yafe hoafi yangiriyo, ḡga Godindi-mayo hoaf-ane sei hehi masahümündi ranimbo ro muḡguambo si Godimbo hihifirihuri arihündi. Iḡga anihond-ane, hoafi ra Godindi hoaf-ane. Se anihondümbo-rihindeimbi hoafi ra sihei ngusüfoambe amarondüri ranai nginindi ratüpuriyo arandi.

¹⁴Wandafi mami, Godindi nendi Sudia hifihü amarei se ahei hohoanimo süngurihi arihündi. Iḡga sihei ngoafihündi siheimbo moaruwaimbo-marihindüri, Sudahündi ai aheimbo moaruwaimbo-marihindüri nou.

¹⁵Sudahündi ai Godindi hoafi hoafiyomo-rundeimbi asu Adükari Sisas ahamumbo hifokoa-marhipuri, asu yihoefimbo hemafoarihimuni. Raniyu God ai aheimbo nginindi-marandüra asu ai nindou muḡguambo hürütarihündüri. ¹⁶God ai Suda-yafe ndifombo aboedambo-fendürimbo moei asefi ranimboane asu ai yihoefimbo Godindi hoafi bokari-hefendürimbo gümarihimuni. Raninambo ahei moaruwai hohoanimo afindi tüküme Feyowa haponda Godindi hürütü ranaheimbo tüküfendürimboane.

Por ai Tesaronaikahündi ndüfosimbo asükai hihirife hombo mehu

¹⁷Wandafi mami, Suda ai gümarihimuna asu moai akidou gabusümo se-babidi nimarefi, ḡga siheimbo afindi hohoanimoyefi. Yihoefi ngusüfo ana se-babidimboane, ḡga roana fi safi yangir-ane fi. Raniyo asu siheimbo hohoanimoyefühi nini-nafindahu ḡgefi hoeindihundüri sefi hohu hüti-hütiyefi. ¹⁸Siheimbo sowanambo ndüfosimbo hihirife hombo masefi, ḡga Por ro yimbumbo-mbaiyahiyö, ngimimbo-mbaiyahiyö siheimbo sowana sinimbo masahi, ḡga Satan ai yihoefimbo gümareamuni.

¹⁹Adükari Sisas ai kuduani, rasimboani nini-moatükunimbo anihondümbo-ndihundühi hibadimandihunda? Se ro-babidi nimarefambe ra. Dabohündambo hihifi-hihifimandefa? Siheimbohündambo. Yihoefi ratüpuri ra aboed-ane nafuimbohünda ro aboedi nini-moatükuni mandahumindefa? Siheimbo. ²⁰Iḡga siheimbohündambo hihifi-hihifayefi asu ndürimb-ane fi.

Por ai Timotimbo koamariheira hu ahei ngusüfo kikimi-mafoareandüri

3 ¹⁻²Asu siheimbo afindi hohoanimoyefühi sihei hoafi fifirifembohündambo ḡgiri gedühi hamindi hibadihündi, ḡga ro yimbu Atens

ngoafihü nimarimbo sehühi, Timoti siheimbo sowana koarihefiyuan
 hombo masehi. Timoti ai sihefi wandaf-ani, asu ai Kraisindi hoafi aboedi
 hoafiyu randühi, Godindi ratüpuriyu-randeimb-ani. Siheimbo kikimifoe-
 fendürühi, asu nginemandi-ndürimbo koamarihehora masünu. ³Tijirifo
 siheimbo tükündifewani se ngiri kikirifindei, nga se siheihuari fifirihindi
 God ai sihefimbo tijirifo ra yifirimayu süngumbo. ⁴Yini, horombo ro
 se-babidi nimboefambe yarihu hoafiyahu-ndürahiya, 'Sihefimbo tijirifo
 tükündifemboe,' masefi ra tükumefeyo. ⁵Rani süngumboyo asu ro moai
 gedühi hifandihandi, nga asu Timoti koamarihehina masünu ra ro sihei
 anihondümböfe fifirife-ndürimbohündambo. Sisihimore hoeire-randeimbi
 ai siheimbo sisihimonde hoeindeandürani asu yihoefi ratüpuri sihei
 mbusümo ra wanindimboe sefi hohu moei-asefi.

**Timoti ai Kraisindi nendi Tesaronaika ngoafihü
 aboed-anei mehua Por ai hihifi-hihifimayu**

⁶Ŋga haponda Timoti ai hihirifi sünumboani siheimbo sowahididi raniyu
 ai se anihondümborihü asu ngusüfo parihi arihündi ranahambo hoafi
 semündü masünu. Ai yare hoafiyuhü yahuya, munguambo si se yihoefimbo
 hohoanimoyeihi yihoefimbo hoeifembo afindi hohoanimomaye ro siheimbo
 ramehundi nou. ⁷Wandafi mami, moaruwai moatükuni asu tijirifo yihoefimbo
 tükumefeyo, nga se aboedi anihondümbö-marihindi ra ro himboriyeifühi rani
 hoafi yihoefimbo kikimima-foareamuni. ⁸Ŋga se Adükari-babidi nginindi
 maniboadei ranimboane asu ro aboedi safi amarefi. ⁹Sihefi Godindi himboahü
 siheimbohündambo afindi hihifi-hihifarihündüri ranimboane fi asu hihifi-hihifi
 ranahambo ro Godimbo afindimbo hihifimarihuri. ¹⁰Nimbi-nimbisi siheimbo
 hoeifembohündambo Godimbo didibafiyahu arihundi. Asu sihei anihondümböfe
 ra mbonimbo-ndihümündiani, ro ranimbohünda fandihehu-ndürimboyefi.

**Por ai aheimbo sowana hombo ahafanimbo fehefepiri-
 mbohünda Godimbo didibafimefiyu**

¹¹Sihefi Ape asu God ahandihuari sihefi Adükari Sisas ai siheimbo sowana
 nafi ndondineamunani digimboane. ¹²Asu Adükari ai siheimbo fandihendürani
 sihei ngusüfo pefe hohoanimö adükari mbihowamboane. Ranimboane
 asu se apodoho-apodoho asu munguambo nindou aheimbo afindi ngusüfo
 pandihindüri ndühündi, ro siheimbo ngusüfo pararihündüri nou. ¹³Rananimbo
 ai sihei ngusüfoambe kikimi-mbifoareandür-amboane asu süngunambo-animbo
 sihefi Adükari Sisas ahandi nendi-babidi kuduani, rasimboani se sihefi Ape
 Godindi himboahü sürühehindeimbi hütikoate niboadeimboyei.

Hohoanimö God ai yifirayu ra süngundihi ndühündi

4 ¹Wandafi mami, hohoanimö God ai yifirayu ra siheimbo
 yamundima-rihündüri asu se ra süngurihi arihündi. Adükari

anihondümbö-rihindeimbi yifimayei ranaheimbo ngiri ngasündihundüri hohu gagifi, nga wani. ¹⁶Ngga rani-sihi Adükari ai ahandihoari sünü hiniŋginde haya kudümbui. Rasimboan-animbo ai puküna hoafinduanı, sünambeahindi nendi bogori ai miŋginduanı, asu Godindi fufuŋi ai hoafindimboe. Ngga Sisasimbo anihondümbö-rihindeimbi horombo yifimayei ranai boatei botindahimboyei. ¹⁷Ngga sünguni sihiri yaŋgiri aniboadeŋi ai-babidi Godindi nginindinambo sünambe mamambe-ndeamuni hayambo-animbo, Adükari babidi mamühindahu, asu koadürümbo-koadürümbo ai-babidimbo nimandemboyeŋi. ¹⁸Ngga hoafi raninambo ngusüfoambe kikimi-foefirindei.

**Adükari ai kudümbui ranimbo-hündambo sihiri
diboadondihehu nimandefomboane**

5 ¹Wandafi mami, nini-sihiyo nini-simboaniyo rani-moatükuni tükündifemboe ranahambo ro ngiri siheimbo hoafi sürü papindihundi. ²Sihiri ngiri rani-simboani fifindihundi. Ngga Adükari ai kusü simboani ra moani nimai tükündifemboe, nimboambo hümbuhüni nendi tükayafundi nou, se siheihoari ranahambo aboedi fifirihindi. ³Nindou ai hoafindeihıya, 'Aboedi hoafühane,' asu 'Hapoana aboedi amareŋi,' rambiseiani, rani-simboan-animbo moaruwai moatükuni aheimbo moaruwaimbo-ndearümboe, nimorehi ai nimori wakemindimbo nimai taŋgüfuri arandi nou. Ngga ai ngiri ranahambo taborindi-hehindühi bündahindi.

⁴Ngga wandafi mami, seana nimbokoani moai nimatei, nga ranimboanimbo Sisas kusü simboani se ngiri hepünindahindi hümbuhüni nendi tüküfewani nindou ai hepühindi nou. ⁵Ngga se ra muŋgu nimbokoani hahabudei-rihündeimbi-yeipoani, nga sirihü hahabudei-rihündeimb-anei. ⁶Ranimboane sihiri ngiri apoefi bodimondi ai rawehindi nou, nga sihiri ana hibadihundühi muŋgu ranahambo diboadondiho hohoanimo-ndefomboane. ⁷Ngga yapombohimbombü ai nimboambo apoehanei asu simindei-rihündeimbi ai nimboambo simindei hehi afindi-afindıyei rihündühanei. ⁸Sihiri sirihüdidı nindou-aneŋi, ranimboane asu sirihü hahabodeŋi diboadondiho hibadindi-humboane. Sihiri anihondümbö ngusüfo pefe hohoanimo ra güdihumboane nımınehoari agüdüdü nou. God ai sihefimbo aboedambofe-munimboayu rasimboan-animbo ranimbo himbondefomboane, rananimbo randihundani, sihefimbo ngosangoni-ndimboe kapa at nginıdı ami yifiarimbohünda kikafoarundi nou. ⁹God ai sihefimbo nginıdıyımunimbo moai kafaoreamuni, nga wani. Ngga sihefimbo ana siheŋi Adükari Sisas Kraıs aboedambofe-munimbohündambo kafaoreamun-ane. ¹⁰Sisas ai sihefimbo fehefe-munimbohündambo yifimayu. Rananimbo asu sihiri

yangiri niboadefühiyo asu yifindefühiyo ai-babidi nimboemboyefi.
 11 Ranimboane asu se siheichoari simbori kikimifoe-firindeihi, aboedi hoafinambo fehefirindei, ra se rawarihindi nou.

Bidifiranimbo Hoafi

12 Wandafi mami, ro hoafi nda hoafehundüri, nindou ai sebabidi Godindi ratüpuri ratüpuriyomo-rundeimbi ranahamumbo diboadondhipuri. Ai siheimbo hifandimbohündambo Adükari ai kamafoareapura, siheimbo aboedi hohoanimo süngufembo hoafiyomondüri arundi. 13 Ahamundi ratüpurimbo hohoanimondeihi, se ahinindeihi hohoanimondahüpuri. Se wandafi mami-babidi simbori-simborei wudindei.

14 Wandafi mami, ro siheimbo hoafehundüri nda, nindou ai yiboaruko-yiboarukondeiani, aheimbo ahini hoafindahündüri. Nindou ahiniyei-rihündeimbi kikimiboadihindüri. Nindou ai Godindi hoafi akidou yangiri süngundihindani ranaheimbo fandihehindüri asu nindou muṅguambo wari hoafendühindi-hindüri. 15 Se hibadihündi nindou bidifiri ai siheimbo moaruwaimbo-ndihindürani, asu aheimbo simbori moaruwaimbo-ndihindürimboyeyi. Iḡga wani. Muṅguambo si siheichoari simbori fehefirindeihi, asu nindou muṅguambo fandihehindüri.

16 Muṅguambo si hihifi-hihifindei ndühündi. 17 Muṅguambo si Godimbo didibafindei ndühündi. 18 Nini-moatükuni tükümandife ranahambo se Godimbo hihifindihori. Sapo se Sisas Kraisind-aneiy asu God muṅgu ra refemboane mehu.

19 Se Yifiafi Aboedi hai nou dikirindihimboyeyi. 20 Nindou Godindimayo hoafi hoafindeiani, se hoafi ranahambo moanane mbisemboyeyi. 21 Iḡga muṅgu-moatükuni ra randihi hoeindihinda aboedindoani ana, ranahambo kikihi-safindihümündi. 22 Iḡga moaruwaindoani ana, ranahambo bündahindi.

23 God ai afurife hohoanimo ra nimindihani. Ai ahandichoari siheimbo muṅgunambo didiboado-mbireandür-amboane asu se sürühehindeimbi nimboemboyeyi. Iḡga sihei ṅgusüfo, yifiafi, fi ra hifandimbirand-amboane rananimbo asu sihefi Adükari Sisas Kraisy kuduani, se hütipoani, ṅga aboedi mbümündi hamindi nimboemboyeyi asefi. 24 Iḡga God ai randeambui nimboe sapo ai anihondümbo mamani siheimbo wand-aneiy mehündüri.

25 Wandafi mami, se yihoefimbo-hündambo Godimbo didibafindei. 26 Se apodoho-apodoho muṅguambo se yihoefimbo-hündambo karihasihandüri mbisei. 27 Adükarindi ṅginindi süṅgu ro hoafehandüri nda: Se pas nda muṅguambo apodoho-apodohombo hoeindihiy hehi hoafindei.

28 Sihefi Adükari Sisas Kraisy siheimbo hipoambo-mbireandür-amboane.